

Dekretu zk.: 2025 / 700 **Data:** 2025/06/25

Eskatzailea: GERNIKA-LUMOKO UDALA

Gaia: BIZKAIKO BERTSOZALE ELKARTEA-RI 2025EKO DIRULAGUNTZA NOMINATIBOA EMATEA GERNIKA-LUMOKO UDALAREKIN ELKARLANEAN “GU ERE BERTSOTAN” PROGRAMA UDALERRIKO IRAKASKUNTZA ZENTROETAN GARATZEKO 2025-2026 IKASTURTEAN ZEHAR.

ESPEDIENTE ZK.: 2025/01529

XEDEA:

BIZKAIKO BERTSOZALE ELKARTEA-RI 2025EKO DIRULAGUNTZA NOMINATIBOA EMATEA GERNIKA-LUMOKO UDALAREKIN ELKARLANEAN “GU ERE BERTSOTAN” PROGRAMA UDALERRIKO IRAKASKUNTZA ZENTROETAN GARATZEKO 2025-2026 IKASTURTEAN ZEHAR

AURREKARIAK

Indarrean dagoen 2025erako udal aurrekontuak (2024ko aurrekontu luzatua) 14.500 euroko dirulaguntza nominatiboa aurreikusten du Bizkaiko Bertsozale Elkartearen alde.

Belate Olabarria Astobiza andreak (NAN zk.: 30689416-X), aipatu dirulaguntza kopurua eskatu du Bizkaiko Bertsozale Elkartearen izenean eta hura ordezkatzuz 2025ko ekainaren 19an (erregistro telematikoaren zk.: E202506154), Gernika-Lumoko Udalarekin elkarlanean “Gu ere bertsotan” programa udalerriko irakaskuntza zentroetan garatzeko 2025-2026 ikasturtean zehar.

Euskara dinamizatzailerak, euskara zinegotziaren oniritziarekin, 2025eko ekainaren 24an idatzi du justifikazio-txostena aipatu dirulaguntza nominatiboa Bizkaiko Bertsozale Elkarteari emateko.

Udal kontuhartzaitzari tramitatu zaio kreditu nahikoa eta egokia dagoela informatzeko.

GINARRI JURIDIKOAK

I.- Dirulaguntzei buruzko 38/2003 Lege Orokorren 22. artikuluan ezartzen denez, zuzenean eman ahal izango dira, besteak beste, aurrekontu orokorretan nominatibo izaerarekin aurreikusitako dirulaguntzak, dirulaguntza horiek arautzen dituen araudian aurreikusitako baldintzetan. Era berean, lege beraren 28. artikulua ezartzen du elkarlanerako hitzarmenak ohiko tresna izango direla aurrekontuetan izendun gisa aurreikusitako dirulaguntzak bideratzeko.

II.-Erakunde eskatzaileak erantzukizunpeko adierazpena aurkeztu du, Dirulaguntzei buruzko Lege Orokorren 13. artikuluan aurreikusitako kausaren bat dela-eta dirulaguntzen onuradun ez izateari buruzkoa, bai eta jardura bera finantzatzeko eskatutako eta/edo jasotako beste laguntza batzuei buruzkoa ere.

Era berean, adierazi du egunean dituela zerga-betebeharrak eta Gizarte Segurantzarekikoak eta, nolanahi ere, baimena eman dio Gernika-Lumoko Udalari inguruabar horiek ziurtatzeko bere kabuz.



III.- Bizkaiko Bertsozale Elkartea legez eratuta dagoela (IFZ zk.: G-48553242 / helbidea: Zabale kalea 9-atzea-behea / 48200 Durango - Bizkaia), Eusko Jaurlaritzaren Elkarteen Erregistro ofizialean aintzat hartuta.

IV.- DLOren 28.1 artikulua arabera, hitzarmenak izango dira aurrekontuetan izendun gisa aurreikusitako dirulaguntzak bideratzeko ohiko tresna.

V.- Dirulaguntzei buruzko indarrean dagoen udal-ordenantzaren 35. artikulua udal dirulaguntza nominatiboak emateko prozedura arautzen du.

Aurrekoari jarraiki eta espedientean dauden txostenen arabera, Alkatetza honek **EBATZI DU**:

Lehenengoa.- Bizkaiko Bertsozale Elkarteari (IFZ zk.: G-48553242) 14.500 euroko dirulaguntza nominatiboa ematea, Gernika-Lumoko Udalarekin elkarlanean “Gu ere bertsoan” programa udalerriko irakaskuntza zentroetan garatzeko 2025-2026 ikasturtean zehar, erakunde bien artean sinatu eta indarrean dagoen hitzarmenari jarraiki (2023-791 zenbakidun Alkatetza Dekretu bidez 2023ko irailaren 7an onartutako hitzarmena 2023-2027 eperako).

Bigarrena.- Erakunde horrekin sinatu beharreko hitzarmena berrestea, espedienteari erantsitako proposamenaren arabera.

Hirugarrena.- Laguntza hau bateragarria izango da jarduera bera finantzatzeko beste edozein laguntza edo laguntzarekin, baina inola ere ez da egongo gain-finantzaketarik.

Laugarrena.- Dirulaguntza hori Gernika-Lumoko Udalaren 2025eko gastuen aurrekontuko 5-3354-48106 partida ekonomikoaren kargura ordainduko da.

Bosgarrena.- Ordainketa entrega bakarrean egingo da, gehienez ere hilabeteko epean, ebazpen hau ematen denetik zenbatzen hasita.

Seigarrena.- Dirulaguntzaren xede den egitasmoa garatzeko epea 2025-2026 ikasturtea dela kontuan hartuta, ekainaren 30ean bukatu eta hilabeteko epean, 2026ko uztailaren 31rako, erakunde onuradunak justifikazio-kontu sinplifikatua aurkeztu beharko du, Dirulaguntzei buruzko Lege Orokorrean xedatutakoaren arabera. Kontu horretan, Dirulaguntzei buruzko Lege Orokorra (887/2006 Errege Dekretua) garatzen duen Erregelamenduaren 75. artikuluan aipatzen den informazioa jasoko da.

Zazpigarrena.- Era berean, honen berri emango zaie Udal Kontuhartzaitzari eta Diruzaintzari, eta legez ezarritako publizitatea emango da Dirulaguntzen Datu-base Nazionalaren bidez, legeak xedatu moduan.

ALKATEA

-Jose M^a Gorroño Etxebarrieta-

ELEKTRONIKOKI SINATUTAKO DATAN

